



Prishtinë, 12 qershor 2025
Kodi i ZRRE-së: V_2762_2025

Bordi i Zyrës së Rregullatorit për Energji, bazuar në:

- Dispozitat e Nenit 9 paragrafi 1 nënparagrafi 1.7, Nenit 25 dhe Nenit 26 paragrafi 1 nënparagrafi 1.2 të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 3 paragrafi 1 nënparagrafi 1.19, Nenit 33, Nenit 39, Nenit 40 dhe Nenit 41 të Ligjit për Energjinë Elektrike (Ligji Nr. 05/L-085);
- Dispozitat e Rregullës për Furnizuesin e Mundësisë së Fundit, (Rregulla ZRRE/Nr.08/2017), e datës 13 prill 2017,
- Dispozitat e Nenit 19 të Licencës për Furnizim me Energji Elektrike të Korporatës Energjetike të Kosovës, SH.A., me numër Licence ZRRE/Li_60/17.
- Vendimin e Bordit të ZRRE-së nr. V_2695_2025, të datës 28 mars 2025, për Hapjen e Procedurës së Tenderimit për Zgjedhjen e Furnizuesit të Mundësisë së Fundit,

në seancën e mbajtur më 12 qershor 2025 nxori këtë:

V E N D I M

**PËR CAKTIMIN E FURNIZUESIT TË MUNDËSISË SË FUNDIT PËR PERIUDHË
PREJ GJASHTË (6) MUAJSH**

- CAKTOHET KORPORATA ENERGJETIKE E KOSOVËS SH.A** që të ushtrojë **PËRKOHËSISHT** përgjegjësitë e Furnizuesit të Mundësisë së Fundit (Furnizues i Garantuar).
- Obligimi i caktuar në pikën I. të dispozitivit të këtij vendimi do të ushtrohet për periudhë prej **gjashtë (6) muajsh**, duke filluar nga data **31 korrik 2025 deri 30 janar 2026**.
- Furnizuesit të Mundësisë së Fundit (FMF) është i obliguar që të siguroj të gjitha shërbimet e furnizimit ashtu si janë përcaktuar në Ligjin për Energjinë Elektrike, Rregullën ZRRE/Nr.12/2017 për Kushtet e Përgjithshme për Furnizim me energji elektrike, Licencën përkatëse të lëshuar nga rregullatori dhe legjislacionin tjetër në fuqi.
- FMF është i obliguar të furnizoj konsumatorët që ngelin pa furnizues në rastet kur:
 - furnizuesi i tyre ka bankrotuar apo është në likuidim;
 - licenca e furnizuesit të mëparshëm është revokuar përkohësisht apo në mënyrë të përhershme, apo i ka skaduar; dhe
 - konsumatori ka dështuar në zgjedhjen e furnizuesit të ri pas ndërprerjes së kontratës me furnizuesin e mëparshëm.
- Furnizimi i Garantuar sipas pikës IV të këtij Vendimi **nuk** mund të zgjasë më shumë se **gjashtëdhjetë (60) ditë**.

VI. Kostot e Furnizuesit të Mundësisë së Fundit do të përcaktohen në përputhje me Nenin 6 të Rregullës për Furnizuesin e Mundësisë së Fundit.

ARSYETIM


1. Bordi i Zyrës së Rregullatorit për Energji (ZRRE) me datë 29 korrik 2022 drejtën për ushtrimin e funksionit të Furnizuesit të Mundësisë së Fundit i kishte vendosur Korporatës Energjetike të Kosovës sipas Vendimit V_1544_2022, me afat prej 31 korrik 2022 deri me **30 korrik 2025**.
2. Duke qenë se ky obligim do të skandonte me datë 30 korrik 2025, Bordi sipas dispozitave të Nenit 40 të Ligjit për Energji Elektrike me datë 28 mars 2025 ka nxjerr Vendimin Nr.V_2695_2025 për hapjen e procedures së tenderimit për zgjedhjen e furnizuesit të mundësisë së fundit.
3. Ftesës për shprehje të interesit për të aplikuar në Tenderin për Zgjedhjen e Furnizuesit të Mundësisë së Fundit, i publikuar me **19 prill 2025** në faqen zyrtare elektronike të ZRRE-së, nuk i është përgjigjur asnjë aplikues.
4. Pasi që nuk janë plotësuar kriteret bazë të përcaktuara në Nenin 4 paragrafi 1 të Rregullës për Furnizuesin e Mundësisë së Fundit (Nr.08/2017), i cili parasheh, citoj: *"Konkurrenca për caktimin e Furnizuesit të Mundësisë së Fundit do të konsiderohet e vlefshme nëse jo më pak se dy (2) tenderues kanë përmbushur kriteret përkatëse të pranueshmërisë"*, ZRRE ka nxjerr NJOFTIM PËR ANULIM TENDERI për Zgjedhjen e Furnizuesit të Mundësisë së Fundit.
5. Si rezultat i kësaj më lartë (dështim/anulim tenderi), Bordi ka vlerësuar se janë plotësuar kushtet që të caktohet Furnizuesi i **përkohshëm**, ashtu siç përcaktohet edhe në Nenin 40 paragrafin 4 të Ligjit për Energjinë Elektrike, ku thuhet, citoj *"Në rast se nuk zgjidhet furnizuesi i mundësisë së fundit në periudhën e përcaktuar me paragrafin 1. të këtij neni, Rregullatori do të caktojë një furnizues që përkohësisht të ushtrojë funksionin e furnizuesit të mundësisë së fundit, por jo më gjatë se gjashtë (6) muaj, periudhë kjo brenda të cilës do të zhvillohet tenderi i ri. Në rast se edhe tenderi i dytë dështon, Rregullatori cakton furnizuesin e mundësisë së fundit me një akt të veçantë, duke përcaktuar të gjitha kushtet dhe afatet për vendosjen e obligimit të shërbimit publik në pajtim me nenin 5 të këtij ligji."*
6. Bordi i ZRRE-së duke u mbështetur në dispozita ligjore të cekura në hyrje të këtij Vendimi, ka vlerësuar që Korporata Energjetike e Kosovës, e licencuar për aktivitetin e furnizimit me energji elektrike, e cila ka deklaruar se do të pranojë këtë përgjegjësi (nëse i vendoset nga ZRRE); ka përvojën për të ushtruar këtë përgjegjësi; posedon sofuerin e nevojshëm për ushtrimin e këtij aktiviteti; posedon personel profesional; ka gjendjen e shëndoshë financiare, andaj ka vendosur si në dispozitiv të këtij vendimi.

- VII. Vendimi nxirret dhe publikohet në gjuhët zyrtare në Republikën e Kosovës.
- VIII. Vendimi hyn në fuqi datën e aprovimit nga Bordi, dhe do publikohet në faqen elektronike zyrtare të ZRRE-së.


Vendimi i dërgohet:


Korporata Energjetike e Kosovës SH.A. dhe
Arkivit të ZRRE-së


Bordi i Rregullatorit:


Ymer Fejzullahu, Kryesues


Lutfije Dervishi, Anëtare


Gani Bucaj, Anëtar


Arta Isufi, anëtare


Adnan Preniqi, anëtar